



BASES DAS ACTIVIDADES CULTURAIS E DEPORTIVAS VERÁN 2021

As actividades culturais e deportivas organizadas para este verán 2021, con motivo da crise sanitaria que estamos a padecer, organizaranse soamente para persoas empadroadas no Concello de Bergondo, excepto as actividades organizadas conxuntamente co Club Ciclista SKAPAOS.

Prazo de presentación de PREINSCRICIÓNS: do 9 ao 14 de xuño de 2021.

1. Horarios e formas de presentación de solicitudes:

Poden elixir unha das seguintes opcións, **preferentemente** vía e-mail e formulario on line, nas que se enviará confirmación da solicitude via e-mail.

- Vía E-mail (**preferente**): dende as 00.00 h do día 9 de xuño ata as 14.00 h do día 14 de xuño no correo electrónico cultura.deportes@bergondo.gal
- Vía formulario on line: dende as 00.00 h do día 9 de xuño ata as 14.00 h do día 14 de xuño na páxina web bergondo.gal.
- Vía telemática a través da sede electrónica municipal dende as 00.00 h do día 9 de xuño ata as 14.00 h do día 14 de xuño.
- Vía presencial: de 9.30 a 14.00 h na Casa de Cultura dende o día 9 ao 11 de xuño (**con cita previa**).

2. Listaxes provisionais: O día 16 de xuño publicaranse na páxina web do concello e na Casa de Cultura os listados provisionais por actividade.

3. Prazo de reclamacións: O prazo de reclamacións ás listaxes provisionais será o 17 de xuño.

4. Sorteo público: Si hai máis solicitantes que prazas, realizarase un sorteo público, na Casa da Cultura, o día 18 de xuño de 2020, ás 10.00 h.

5. Listaxes definitivas: O día 21 de xuño na Casa de Cultura e na páxina web do concello (bergondo.gal), publicaranse as listaxes definitivas das actividades e das que non saen por non acadar un mínimo de solicitudes.

6. Prazo de inscricións e pago das actividades: do 22 ao 25 de xuño. Se rematado este prazo, as persoas admitidas por sorteo non realizan a inscrición, serán substituídas polas que figuran na lista de reserva.

7. Material: Nas actividades que se relacionan a continuación deberán levar o seguinte material:

Campamentos urbanos: unha mochila con gorra, protección solar, botella de auga e merenda. Toalla e chancletas (para a saída a praia).

Aerobic e ximnaxia para maiores: esterilla.

Actividades de ciclismo: bicicleta e casco.

Actividades náuticas: toalla, chancletas, bañador, gorra, camiseta térmica de auga, protección solar, botella de auga e merenda.

8. Reducións de cotas

- a) 50% para familias numerosas.
- b) 50% para persoas inscritas no Programa de Voluntariado dos Servizos Sociais Municipais.
- c) 50% ou 100% da cota, a aquelas persoas que se consideren desfavorecidos, previo informe da Área de Benestar Social.
- d) 50% para as persoas que acrediten debidamente figurar nos rexistros do paro, ou ben no caso de menores de idade cando ambos proxenitores ou titor do participante o acrediten. Para acreditar a dita situación, deberase entregar xunto coa solicitude un xustificante da oficina do INEM, cuxa data coincida co período de preinscrición.

Nos casos en que as persoas teñan dereito á redución de cota, deberán achegar o xustificante correspondente no momento da inscrición.

9. O Concello de Bergondo resérvase o dereito de efectuar as modificacións nas instalacións, horarios, profesorado, de facer reagrupamentos, etc que se consideren necesarias; ou anular algunha actividade, por motivos organizativos ou pola normativa vixente actual da crise sanitaria COVID-19.

10. As persoas ou representantes que participan ou realizan as solicitudes nas actividades culturais e deportivas Verán 2021:

- Declaran coñecer e aceptar as bases que rexen esta convocatoria.
- Fan constar que o/a inscrito/a non padece enfermidade que os incapacite para a práctica deportiva, tendo feito o oportuno recoñecemento médico.
- Autorizan a ceder os datos persoais da solicitude á empresa que impartirá as actividades.
- Autorizan a utilizar as fotos tomadas nas actividades para a realización de memorias, publicidade, páxina web, medios de comunicación, folletos, etc
- De acordo co disposto na Lei orgánica 3/2018 de protección de datos de carácter persoal e garantía dos dereitos dixitais, se informa de que os datos facilitados serán tratados pola Entidade Local coa finalidade de poder atender a súa solicitude. Os devanditos datos serán tratados de xeito confidencial, e só poderán ser cedidos, nos casos contemplados na Lei. Comunícase que pode exercer os dereitos de acceso, rectificación, supresión, oposición, limitación ó tratamento e portabilidade dos seus datos, usando o formulario de contacto da sede electrónica.

